

Jocelyne Croes, MA

Jocelyne Croes (42) ta cla pa representa interesnan di su pais na Merca, cu mas cu nunca ta den enfoca mundial. Y no tin duda cu su trayectoria impresionante a percura pa e ta para firme pa e posicion nobo. E posicion di Minister Plenipotenciario na Washington DC ta uno diplomatico y ta diferente cu e posicion cu titulo similar na Hulanda. E ultimo un funcion politico, mientras cu na Merca e funcion ta uno na nivel di ambtenaar, mara na trabou di Embahada. Den e caso aki, e Embahador Hulandes na Washington DC ta na cabez, y bou dje ta sigui e Minister Plenipotenciario. Ta un funcion cu no ta mucho conoci mas, pero mirando e estructura di Reino Hulandes, ta cuadra cu necesidad diplomatico di nos paisnan. Como tal, Antias Hulandes y Aruba tin nan representante na Embahada di Reino Hulandes, den persona di e Minister Plenipotenciario.



Caminda di bida ta dirigie unda mas Aruba tin mester di dje:

El a sobreviví un asalto arma na Kenya, el a laga parti di su alma cu e muchanan di mas pover na Bangladesh y awor e ta cla pa confronta e ambiente politico mas fascinante na mundo como Minister Plenipotenciario di Aruba na Washington D.C., Merca.

Tarea di un Minister Plenipotenciario

E Minister Plenipotenciario mester representa e maneho di Aruba riba tereno internacional, en particularmente cu Merca den concordancia cu Reino Hulandes cu finalmente ta responsabel pa Relacionnan Exterior. *"Principalmente e enfoca ta riba Merca pero en realidad e funcion ta pa representa Aruba cerca tur embahada y organizacionnan relevante pa nos pais cu ta estableci na Washington DC,"* Jocelyne Croes a splica. Aunke cu ta Reino Hulandes (lesa: Hulanda) ta determina e Relacionnan Exterior, Aruba por stipula su interesnan, y esakinan por ta varios.

E funcion tabata habri ya pa practicamente un año, pero asina mes no tabata Jocelyne Croes mes kende a solicita pa e posicion. El a ricibi un yamada di Prome Minister Nelson Oduber cu e proposicion pa e bira e Minister Plenipotenciario na Washington DC. No a tuma mucho pa Jocelyne y su casa Renwick Heronimo dicidi pa acepta e proposicion y representa interesnan

di nos pais na Merca. Y asina henter e proceso a cuminsa pa su nombracion, incluso e aceptacion dor di Minister pa Asuntunan Exterior di Hulanda, sr. Maxime Verhagen. Ta parse si cu tur caminda di bida a dirigie Jocelyne na e punto aki. *"E ta pas pa mi. E ta algo, pa mi ta honesto, a pensa di un dia kizas lo kier haci. Pero no awor obviamente, y ta pesey mes mi no a aplica."*

E preparacion tabatey di comienzo

Jocelyne Croes tin un Masters Degree den Relacionnan Internacional di Universidad di Amsterdam. Despues di caba VWO na Colegio Arubano, el a bay studia Ciencia Politico na Brandeis University, ubica na Boston. Mesora despues di a caba su Bachelors, e hoben Arubiano a haci uzo di un oportunidad cu poco ta haya, esta pa traha cu Nacionnan Uni. Un trabou cu a dura varios año y cu a hiba Jocelyne den e skinanan mas leu di mundo. *"Diplomacia y relacionnan internacional semper a atrae mi y ta pesey mes mi a bay studia esaki,"* Jocelyne a conta.

Oportunidad di bida na Nacionnan Uni

Despues di a traha un año cu Greater Boston Legal Services, asistiendo imigrantenan di Caribe cu ayudo administrativo y legal, Jocelyne a haya un yamada di un amigo cu tabata haciendo su pasantia na Nacionnan Uni. Lo tabatin oportunidad pa un trabou na Asamblea General. Mirando su estudio di Ciencia Politico, e hoben di dicidi pa habri man pa un oferta pa bira asistente di e Presidente Ehecutivo Adhunto di e Oficina di e Comision Special pa Irak. E oferta a drenta e mesun dia cu el a haya su entrevista pa trabou na Nacionnan Uni. E oficina aki tabata cay bou di e Departamento pa Asuntunan di Desarmamento di Nacionnan Uni. Jocelyne ta atribui e hecho cu e ta domina e idioma Frances como crucial pa por a haya e trabou aki, mirando cu e mester a traha cu specialistanan Frances encarga cu control riba armanan nuclear na Irak na principio di decada di 90. Asina aki, e hoben di Aruba a haya su mesinta den reunionnan ultra secreto, unda e por a mira resultadonan di buelonan

secreto ehecuta pa CIA riba Irak pa determina e progreso di e desarmamento di e pais. *"Mi yega di topa Tareq Aziz, ex Minister pa Asuntunan Exterior di Irak. Pues aki tabata trata di oficialnan di nivel halto."* Su trabou tabata pa asisti den preparacion di e raportahenan oficial riba armanan nuclear, quimico y biologico na Irak cu na final tabata bay pa Nacionnan Uni y Inspectornan di e agencia competente, IAEA, kendenan tabata esnan cu tabata encarga cu e controlnan na e pais. Tambe Jocelyne tabata percura pa e relacionnan pa prensa. *"Como Rubiano chikito, e tabata un experiencia educativo masha grandi mes, unda ta mira den practica con relacion internacional ta funciona. Ta eyan mi a siña den practica kico ta diplomacia."*

Y e trabou di un diplomatico ta di crucial importancia pa evita cu paisnan ta drenta den guerra. Jocelyne a mira di cerca kico tur a tuma luga pa por evita guerra na Irak, perocu finalmente, añanan despues cu el a laga su trabou na Nacionnan Uni banda, toch esaki a escala na e situacion

di paz na e pais ey. Su tarea tabata pa negocia acuerdonan di duane y transporte cu e Gobierno di e pais Africano. Y su prome reto tabata na su yegada na Maputo. *"Mi a bay Mozambique mi so, y ora cu mi a yega nan a lubida di busca mi. Mi a tuma un taxi cu practicamente tabata core riba dos wiel y cu yen di marca di bala di candela, y sin asiento. Pa colmo, ningun hende tabata sa unda e mission di paz di Nacionnan Uni ta keda ya cu esaki tabata recién estableci."* Pero Jocelyne no a perde cabez y a indica e taxista pa hib'e na Embahada Hulandes na Maputo, e capital. *"Eseyan ta aventuraman cu bo ta experiencia. Y mi ta un aventurista, con cu bay bin."*

Aunke cu Jocelyne nunca a siña e idioma, e Portugues di Mozambique tabata suficiente familiar p'e, te cu e por a ehecuta su trabou pa negocia e acuerdonan cu e Gobierno di e pais, manera establece acuerdonan ariba transportacion pa e misión. *"Eyan bo ta wak con mi Papiamentu a yuda mi."*

"Tin hopi guerra cu ta enfoca hopi riba hende muhe, pa medio di abuso sexual. Te ainda e ta pasa na Sudan y otro parti di mundo como tactica di guerra, unda ta viola tur e hende muhenan. Na Rwanda e tabata mesun cos."

cu nos conoce awendia, cu un Tareq Aziz y te hasta Saddam Hussein morto.

Off to Africa

Despues di un año, cu e Comision di Desarmamento, Jocelyne a haya otro reto. Ye reto aki a bin danki entre otro na e hecho cu e tabata papia Papiamentu. E persona cu a entrevist'e pa su trabou na Nacionnan Uni a corda cu Jocelyne a cont'e cu Papiamentu tabata parecido na Portuges, y como cu tabatin mester di un hende califica pa bay Mozambique (ex colonia di Portugal na Africa) den misionnan di paz, a pensa riba e hoben Arubiano. *"Kere mi of no, pero mi Papiamentu a yuda mi pa bay Mozambique pa dos año y mey,"* Jocelyne a bisa na hariamento. *"Dor di mi Papiamentu mi tabata un di e prome 10 hendenan cu a yega na Mozambique pa e mission di paz. Imaginabo con mi mayornan tabata."*

E balor di Papiamentu

Asina Nacionnan Uni a manda e hoben na 1993 pa percura pa raportahenan y encargo di logistica pa e mission

contexto di e Cuadro di Asistencia di Desaroyo di Nacionnan Uni, unda entre otro e mester a formula documentonan di maneho pa henter Bangladesh den nomber di Nacionnan Uni.

Un asalto arma cu a laga su marca

E trabounan aki a hiba Jocelyne na e skinanan mas leu di mundo, unda poco Arubiano ta yega. Pero, bou ningun circunstancia mester pensa cu ta trata aki di trabounan glamoroso. E experiencia ta unico, y den cierto momento, sumamente peligroso. Por ehempel na Kenya, prome cu e mester a muda pa Bangladesh, rebeldenan Rwandes a ataca Jocelyne, mientras cu e tabata bolbiendo cas for di aeropuerto. E intencion di e rebeldenan tabata pa horta su auto. El a keda como rehen pa un ora y mey, cu un arma na su cabez. Nan tabatin mester di e auto pa bay horta un banco. *"Carjackijng" tabata cuestion di tur siman na Kenya. Y mayoria biaha, e secuestradonan tabata*

mata e doñonan. Mi a keda papia, keda papia te cu finalmente nan a bay cu e auto so." A resulta cu e rebeldenan a mira Jocelyne sali for di aeropuerto na Nairobi, y a sigui'e pa su cas, cu tabata ubica den un zona supuestamente sigur, mirando cu e Minister di Finanzas di e pais tabata biba den mesun caya. *"Hopi straño cu e cos ey a pasa. Y te awor mi ta hopi consiente di mi seguridad, specialmente anochi si un auto mester aserca. Mi no a keda cu nachtmerrie, pero mi ta hopi pendiente si pa mi seguridad."*

E trabou di Jocelyne Croes a permiti'e mira e circunstancianan mas tristo cu un hende por biba aden. Na Africa, en particularmente na Rwanda, el a haya su mes cu no solamente casanan di pobreza extremo, pero tambe di abuso y torturanan mas spantoso, a causa di e diferente guernan. Su proyecto mas grandi tabata pa yuda viudanan na Rwanda re-integra den e sociedad. *"Ta trata di viudanan cu a perde nan casa pa asesinato."* Un iniciativa cu Jocelyne mester a dirigie ta pa convence Parlamento di Rwanda cambia



su leynan di herencia. ***“Un muhe no por a hereda propiedad. Mi a traha hopi serca cu Parlamento pa cambia e leynan aki.”*** Ademá di e hecho cu e hende muhe tabata keda desampara, riba dje e tabata totalmente afecta pa e diferente conflictonan. ***“Tin hopi guera cu ta enfoca hopi riba hende muhe, pa medio di abuso sexual. Te ainda e ta pasa na Sudan y otro parti mundo, unda ta viola e hende muhenan como tactica di guerra. Na Rwanda e tabata mesun cos.”*** Pa tal motibo mes, den su capacidad como diplomático pa Nacionnan Uni, Jocelyne a coordina un conferencia internacional riba Hende Muhe den Situación di Guerra y Reconstrucción cu participación di diferente experto cu a maneja situaciónnan di conflicto na diferente pais, incluso FARC. Tambe e tabata traha hopi cu hospitalnan y e comisión di Nacionnan Uni pa refugiadonan di Somalia na Kenya, riba ***“proyectonan pa yuda e hendenan surpasa nan trauma, pa purba recapacitá nan. Ta hendenan muhe cu a perde nan casa y/of yiunan pa motibo di asesinato, hende muhe viola cu mester surpasa un cantidad di otro retonan etc.”***

Ta p'esey mes Jocelyne ta sinti cu na Aruba hendenan mester ta mas consiente con bon nos tin'e na Aruba. No ta cuestión di bagatela nos propio situación, e ta segura. ***“Berdad cos por ta semper miho tur caminda. Pero mi ta kere cu mi a mira asina tanto situación difícil, mi a mira circunstancia di hendenan muhe cu a pasa den traumanan asina pisa. E trabounan aki a forma mi como persona.”***

Ta ora pa bay cas

Den bida, hopi biaha ta parse cu e streanan ta para den un liña pa determiná rumbo di bida di un hende. Jocelyne ta ehempel di esey. Su matrimonio cu un otro diplomático a yega na su fin, mientras cu e tabata pendiente un contrato nobo cu Nacionnan Uni. ***“Net e tempo ey, AIB a yamami cu lo tabata bay lanta Fondo Desaroyo Aruba, y nan tabatin mester di un hende. Pa colmo mi tata a haya un atake cerebral, pues....tabata ora pa bolbe cas, por lo menos pa un tempo.”***

Pero, e diplomático cu tabata negocia cu Gobiernonan no tabatin un contrato firma y na su yegada riba su isla natal, ***“FDA tabata declara nulo. Ata ami aki, sin trabou.”***

Pa Jocelyne e opción tabata pa bolbe bay Africa pa Nacionnan Uni, pero ya e no tabata facil pa lanta bela bay for di Aruba, mirando e estado di salud di su tata (Sr.Max Croes di Texas Furniture Store) e momento ey. Asina e hoben diplomático a keda Aruba, unda el a keda activo, entre otro dor di sigui cursonan. Tabata durante un di e cursonan cu el a conoce drs. Marisol Tromp, kende despues di a bira Minister no a falta di reconoce e balor grandi di y experiencia enorme cu Jocelyne a acumula durante su carera cu Nacionnan Uni. Asina tambe cu e Arubiano aki, kende a delibera cu Gobiernonan Africano, di Bangladesh, a biba di serca tensionnan mundial, a bira e Consehero di Maneho pa Asuntunan Social. “

“Bo ta haya 100 mendigo ta pidi pa trabou tur dia riba un solo caya.”

Y e perspectiva di Jocelyne den e maneho social ta diferente cu esun di hopi hende. Jocelyne a asumi e tarea nobo cu e experiencia di Bangladesh tras di lomba. Bangladesh, e di 7 pais mas popular na mundo, tambe ta un di e mas pobernan. Cu un entrada pa capita di 2300 dollar pa aña, compara cu e averahe di 10,200 dollar rond mundo (Entrada pa capita na Aruba ta 23.000 dollar pa aña), Bangladesh ta confronta retonan cu ta totalmente desconoci na Aruba. Un pais Islamita cu apesar di tur cos ta laga hopi responsabilidad riba lomba di hende muhe. Jocelyne Croes a mira tur sorto di circunstancia social na e pais Asiático aki, cu for di su creacion na principio di década 70, ta azota pa corrupción y desaster natural. Jocelyne por ehempel, los di su trabounan pa Nacionnan Uni, tabatin un scol chikito den su cura di cas. Un scol chikito pa muchanan di caya, y e persona cu tabata duna nan les, tabata e hardinero cu tabata percura pa e cura. ***“Mi tabatin 20 mucha cu tabata bin tur dia, y mi tabata duna nan cuminda. Cu tur e organizacionnan trahando na e pais, e no ta suficiente. E muchananan no tabatin cas mes, algun di nan tabatin mama cu mester a traha den labornan manual pisa manera kibra blokki. Ta un pais unda bo ta haya 100 mendigo ta pidi pa trabou tur dia riba un solo caya.”***

E experencianan kizas a haci'e mas duro, cu menos tolerancia pa casonan menos traumatico na Aruba?

“Mi no ta mas duro, pero mi ta relativa e casonan diferente. Aki na Aruba, te hasta e personanan di mas pover hopi biaha tin television, tin un dak riba nan cabez, of kizas tin un auto. Pobreza na Bangladesh ta totalmente diferente.” Jocelyne ta comprende cu e contexto di pobreza na Aruba ta totalmente diferente. ***“Mi no ta mas duro, pero mi a experencia cosnan mas duro.”*** Pero asina mes, Jocelyne ta reconoce cu pobreza ta un concepto relativo y cu tin pobreza na Aruba mescos cu ta e caso tur parti mundo. ***“Claro cu tin hende ta considera su mes pover si compara cu otro, specialmente ora cu nan no tin acceso na nan necesidnan primario den e contexto local.”***

Situación local

“Ora mi a cuminda aki, mi tabata haya hende cu ta ricibi ‘bijstand’ di Gobierno.. Hendenan cu rasca na pia por ehempel tabata bin Departamento pa Asuntunan Social pa asistencia, ya cu nan no por traha y kier gehandicaptén uitkering cu ta dunan un suma mas halto.” Sinembargo, Jocelyne a bisa cu despues di un tempo el a ripara cu hopi di e casonan ta mara tambe na e problema grandi di adicción. E maneho di Aruba ta sali for di e punto di bista cu adicción ta un malesa, pues ta un elemento di Salud Público, pero cu pa evita cu e malesa aki ‘plama,’ mester tin un maneho social mas integral dirigi na esaki. Departamento pa Asuntunan Social y varios otro fundacion, manera ‘Guia Mi’ a cuminda trata famianan cu yiunan afecta pa adicción. Esaki mi ta kere ta bon iniciativanan. ***“E ta keda un problema cu ta afecta nos comunidad. E ta di lamenta, specialmente pa motibo di e efectonan cu tin pa famianan.”***

Jocelyne ta cla pa asumi un responsabilidad nobo, pero e ta urgi comunidad di Aruba pa keda pone atención na hobennan, pasobra no ta tarea di Gobierno so, sino di henter comunidad pa lanta un mucha. ***“Tin biaha ta difícil pa premira con muchanan por crece bira adulto. Muchanan cu lanta den e mesun circunstancianan por tuma diferente dirección. No ta pasobra e mama tin adicción***

caba of e mucha ta bin di un familia menos privilegia, e mucha automaticamente lo tin problema. Ami conoce tambe muchanan di famianan educa y financieramente mas fuerte para cu tambe a bira adicto na edad di 11 aña.” Di otro banda, Croes ta kere si cu a base di estudionan por cuminda identifica gruponan mas vulnerable y dirigi maneho riba pa limita potencial problema, manera adicción of actitud criminal. ***“Mester mira henter e cadena di cuido for di un punto di bista mas holístico, pa mira unda e buraconan ta y bin cu solucionan concreto.”***

Mi tin un perspectiva diferente

Jocelyne a bay for di Aruba cu 18 aña y como cualkier hoben, e no tabata mucho involvi cu e panorama social di Aruba. Mas ainda su carera despues a hib'e na conoce bidanan totalmente diferente cu nos conoce na Aruba. Pero tur e experiencia internacional aki, sinembargo a sirbi'e pa mira su pais natal cu wowonan mas skerpi y den e proceso a siña conoce su isla miho. Jocelyne ademas ta kere cu e hecho cu su mama (Sra. Marie Therese Croes) ta di Haiti tambe a yud'e amplia cu vision pa tene cuenta tambe cu contextonan cultural cu tin impacto riba bida social di un comunidad, sigur uno asina multi cultural manera di Aruba. ***“Mi a ancrá mi mes hopi mas den mi cultura, con pa biba na Aruba,”*** Jocelyne a muestra. ***“Y awor, como un persona mucho mas adulto mi tin un perspectiva diferente (di mi pais).”***

Madura, un mama di dos yiu chikito y un casa, Jocelyne Croes awor mester bay representa interesnan di Aruba na Washington DC entrante 2009. E ta cla pa haci esaki cu un e profundidad necesario pa realmente logra cu e enfoko di Merca y di mundo ta riba local berdad ta importante pa nos comunidad por sigui crece na un forma mas amplio posible. Con cu bay bin, ta esey ta local e kier pa su propio yiunan y isla. 